

侍郎葛公歸愚集

侍郎葛公歸愚集卷第五

律詩

避地傷春六絕句

一年春事又闌珊可惜芳菲愁裏看
惜勿掃花供餽馬惱人秀色自堪餐

洛陽宮闕半成灰草草花枝濺淚開
國色天香消息斷粧臺誰奉紫金盃

枯藤六尺步長阡客裏韶光絕可憐
好着青楓重試火西陽三日突無煙

碧羅天宇亂花稠搔首花陰只重愁
頭上無貂堪換酒開箱頼有驕驪裘

石門連日動征輦花柳無情自繞谿
回首故園今好在杜

鵲花落子規啼

菖葉青青杏葉新
牛耕白水一犁勻
倩裙窺愛踈籬晚
不是沉香倚太真

和盧叔才食蠅

綠柘林中聽晚繅
聞將煮蠅當持螯
何須有繭大如甕
救得妻兒啼與號

開箔團團雪滿牀
桃漿洒盡煮蘭湯
微軀分合葬君腹
報荅君家三畝桑

天寶三絕

凝碧池頭絃管聲
秋槐落葉若無情
王維空詠朝天句
誰似當年雷海清

翠輦重登勤政樓
紅挑依舊唱涼州
但知玉笛傳佳曲
不

記鈴聲動客愁

絳繚黃裙墮遊水
爛斑錦襪委崑山
臂環留得知何用
羞殺新豐謝阿蠻

携家避地

菟裘真可老飄寓
失初心去去家山
遠行行澤國深光
陰三翼過情緒二
毛侵何日干戈定
鷗盟得再尋

生身恨晚晚喪亂
適吾遭百歲大槐
過三年空谷逃平
羌無上策鑿國付
羣豪年大傷蓬轉
愁城破濁醪

避地復歸故鄉

二老堂邊花作林
不愁酒竭貫貂金
宗人避世散還聚
才子哦詩絕復尋
莫話衣冠一酸鼻
回思戎虜幾寒心
半墩仙隱吾廬在
人認桃源雞犬音

公檄省親復還書呈叔能同官

雲間雪水往來航風雨幾番騰客裝子職廢供一旬劣官
事不了三春強去時園花初放白歸日江梅如許黃少復
須之又西指薰風一舸在廻塘

鹽倉作呈叔能同官

平生懶作子公書俛首銓曹一紀餘第有神馳招隱館久
無夢到承明廬文字真宜覆醬甑技能只合服鹽車清才
弗悟亦塵役早晚促君登石渠

直孺叔用韻見贈再和爲謝

異時黌舍共翻書黃卷相從樂有餘十載乖離馳別夢半
生漂蕩失吾廬飲江偶脫胡人馬並海欣逢長者車軟語
蟬聯相勞苦羈遊無緒領勤渠

次韻陳文仲探梅二絕

小園邈在古城陰，爲愛寒葩杖屨尋。
却笑含章簷下客，對花熟睡亦何心。

低枝垂葉逗疎陰，不學髯龍幹百尋。
此去江南知幾驛，只今誰動故人心。

張千里惠詩次韻

十年風攬海波翻，未報穹廬氣踴山。
且把毛錐覩天巧，異時方叔要威靈。

筆端玉筍更銀鈎，曾次三墳復九丘。
兒輩政憂書種斷，靈膠忽至鳳麟洲。

千里詩與
兒輩授業

芝蘭楚楚峙庭階，不集尋常村裏來。
新蔡門前說甘露，也應入細視庭槐。

大人遊千金訪張仲宗以守舍不得待行用仲宗

韻二首

古寺依煙艇一篙春水深石壇幡轉影玉殿磬流音客有
張公子僧皆支道林行行雲水窟幽夢渺難尋
聞道千金好幽人已莫居森森松遶寺灑灑水循渠旅泊
未妨酒長飢猶著書謫仙詩酒地今尚指匡廬

和叔才餉酒

百事不掛眼一尊難暫忘
伴來頒酒聖客至引杯長
桑落開新甕崑崙接舊觴
鸞兒黃液重象臯碧苔用香
銀海俄增量金罌可配漿
蟻浮甘斂灑石飲見溫良
世事紛忘去詩情合得嘗
醉來庭宇眩醒後竹陰涼
釀郤平原縣隣防吏部郎
糟丘誠可老不用尔穀將

次韻蔡仲平察院中秋

素魄經秋分外明
挂枝濃傍葉淵清
人寰散影千山白
愁絕村村砧杵鳴

不是銀河隱半輪
滿天散彩絕埃塵
幽懷想得如羅隱
耿耿相看似故人

次韻仲平病間齋祠

居士彈一指森羅萬象皆聊傾
三昧酒不奉八關齋雨罷
簾初捲山迎闥自排
蕭然忘世慮心境兩相諧

病間百念屏寒牕無與皆
吾公那窟室學士且高齋
今日

明棗徹詰朝闔闔排

仲平祠事之明
日輪當面對

猶尋淡生話泚筆當

俳諧

次韻林梅卿吏部游湖

竟日關心朱墨間西湖好在且偷閑光凌萬頃搖銀海興
愜千鍾倒玉山未辦綵毫書側理只愁赤壁下烏蠻客兒
忽憶池塘句格律都高漢以還

周元舉侍郎梅花次韻三首

不隨羣卉艷陽天幾樹孤芳玉礪前陸凱何妨餉范曄綠
華端合伴羊權憂虞莫問兵戈滿賞翫要須酒盞先雖是
廣平心似鐵也應作賦詠蕃鮮

山村疑有散花天五出瓊瑤忽滿前閨女傳香得韓壽宮
娥濡蠟照公權賞心共付尊中美索笑誰爲席上先它日
成陰子如豆不堪對酒割芳鮮

恠底窮冬凜冽天一枝香艷媚尊前未應黑帝專司殺誰
道青陽獨幹權冷伴素蟾斜弄影輕飛么鳳欲相先坐中

人是王夷甫幽韻清標兩闢鮮

次韻洪慶善同飲道祖家賞梅

末上風光驚老眼斬新香韻惱騷人
霜晴日淡虛庭裏玉骨幽貞不嫁春

麝臍飄馥來踈葉霜女將寒隋瘦枝數朶
臙前舒冷艷催花羯鼓未應知

寒葩脉脉盡堂新同是巡簷索笑人
獨把幽姿伴冰雪舒花結葉不關春

立盡黃昏賞玉肌月華無語上踈枝
絕憐熟睡含章畔無限花飛揔不知

遊衢州烏巨山乾明寺

烏巨山前談實諦江郎巖畔逗真機
白虹示滅知何處去

採山桃又不歸

次韻劉卿任飲散感秋之作二首

雲子登場賽鼓譟村南村北盡黃冠幾聲乾葉下碧甃數尺瘦山浮盡欄水落野橋魚網掛月懸煙浦鵲枝寒新秋愁絕他鄉客衣帶年來如沈寬

華堂不料着野客菲屨底同章甫冠鷗外翠光清醉眼尊前爽氣動危欄霜沉紫葍玉奩閣風脫丹林煙髻寒百榼香醪消萬斛酒中跌宕賴君寬

小酌以詩招道祖分茶

寶李開細葉香塵墮柘羅湯鳴簷雨細盞占隴雲多連日伊蒲塞今朝熱洛河春風入詩腹五字與君哦

九日慶善示詩次韻

眼明逢九日習氣自多生官冷有閑趣花開無世情玄囂
何許是素滌第存名百歲風狂似東籬且掇英

比訪叔才旋蒙賜詩以貧不能留客爲媿次韻

一舸風帆放晚秋訪君幽巷卜淹留綠搖岸柳容如舞碧
蘸溪毛美可羞喜見林宗鑒爲輟久欽阿大語難休士貧
雞黍無勞具謀食何如道可謀

和道祖韻

未落天狼未止戈誰能頻擊唾壺歌奕棊聊欲消憂耳飲
酒無如作病何孫紹那憂鄉太少退之莫歎日無多菟裘
已向菁山卜從此棲遲到髮皤

大人築室將畢道祖亦作宅基治園作四詩示道
祖

習隱肯回駕求榮難着鞭有心營綠野無夢到凌煙
花開裏簷櫺鴈落邊冰清仍玉潤共此一山川

蓬轉欣小定泛金非我鄉買田無好時共宅有清漳
菱罷水天接風來花草香邦溝風月地悵悵隔參商

兩第屹相向幽園卑辟疆君方林上塢

聞移梅栽於上塢作梅林甚盛

吾

亦沼橫洋鑿翠闢窻戶入天樓棟梁東屯寒月夜老杜只
茅堂

世事只如許幽居誠樂哉報安知楚竹索笑得江梅岸放
平湖入窻邀遠岫來兩家車馬地莫遣添蒼苔

風起

炎蒸困鉗鈇虎嘯漏天機樹杪忽垂髻榴邊今汚衣草鴉
溪水立帆飽客船飛更設琉璃簾瓜茶遲落暉

十月十四夜三鼓壺天月色佳甚以詩招道祖

壺天有勝事玉宇淨纖埃有意嚼復嚼今宵來不來山公
須酩酊令史莫哈臺明月隔溪共只今腸九回

次韻道祖書懷

白雲深處縛柴荆一壑灣環似有情志氣蕭娘并呂姥年
華張丈與甥兄濁賢清聖時同酌上尾平頭得共評莫問
鶴翎由啄菹此心久與白鷗盟

次韻法觀送紅梅栽

羅襪初凌一水間霜深應怯夜來寒含章簷下渾冰雪却
要騷人帶醉看

胡樞橫山堂

鬱葱佳氣龜食墨霧閣雲窻丹雘新玉盤金杯有微玷瑤

林瓊樹無纖塵枕溪飽度國山日橫海小垂胸水春上古
乾坤隨處有素琴濁酒且關身

雲夢曾中吞八九了無官事苦相關廟堂曾引五星縷
嵒今疏八節灘鳥織白雲機杼闊溪喧蒼石杵碓寒東山
難戀山中相梅子枝頭正着酸

朱薨碧瓦市塵遠遶舍泉啼山復橫勝處爭長渾僕妾亂
來有此幾公卿已公茅屋寶父子裴氏午橋真弟兄竟日
倚欄天外眼世間軒冕一毫輕

春過木濃山轉翠阜餘湍減石添痕主人正自芴柱頰客
子底容裾撇門好鳥傍人窺野核亂雲釋嶠落芳尊真成
命駕輕千里李杜文章得細論

天然平遠添百幅泚筆底須東綰傳牕戶吐吞新日月風

煙出沒舊山川白公築室地三一揚子草玄文五千筋力
尚堪駁使在異時重泛白蘋船

連日灌畦蒔菜廢作詩

莫問新來額插犀了無魂夢到金閨平頭上尾慵搜句重
後輕前且灌畦正自無人甞鼎臠不如有客辦萍蘆庾郎
三九同芻豢野薺從教施五溪

送李元孟赴湖南漕屬

君忽湘潭去斜陽催馬銜將無衝白髮正坐此青衫暑雨
駮魚婢薰風入鰲帆南來衡嶽鴈引領望書函

疎慵

閑處着疎慵鮮鮮幽挂叢讀書聊竈北避世且墻東市駿
卑蘇代求徵謝子公丹心阻閭闔欲付小心風

侍郎葛公歸愚集卷第五

侍郎葛公歸愚集卷第六

律詩

題卧屏十八花

姚黃

抗旌汾浦根移白
豎箔藍關花染紅
欲識龍媒空萬馬
宮袍黃挾御爐風

八仙

璚林瓊樹非人世
種得仙花雪作團
后土祠邊還寂寞
只今空對畫圖看

榴花

琴軫含房風未吹
盈盈脉脉度炎暉
恠來一夜丹鬚拆
杯酒新醅阿措衣

薔薇

香風細細入東榮
嫩刺柔條疊絳英
飛下神霞綠底事
剪來曾倩董雙成

杜鵑花

雲昏水暖草萋萋
空谷無人獨杖藜
却憶西江石樓老
送春花下子規啼

牡丹

北廊東院滿畦栽
嫩紫輕紅次第開
直與戎葵較多少
二千里外一枝來

山茶

十月幽園開曉風
層層絳葉艷芳叢
江南只慣收鷹爪
誰顧山前鶴頂紅

梅花

含章英落佳人睡却月香殘水部詩何似江南覓春信和
香先得最南枝

蜀葵

傾心小圃陽初照束火中庭雨不霑裊那腰支渾欲舞好
令韓渥賦香奩

杏花

賴鄉仙種手親栽春開枝頭滿意開正拂文君酒壚上莫
教蜂蝶等閑來

酴醾

玉骨檀心不肯粧牽絲引蔓過東牆政須把酒酬清艷莫
待幽香闕枕囊

海棠

灌錦江邊雨露勻，杜鵑啼血染香綰。自緣佳處詩難殫，可
是無花開杜陵。

黃菊

秋入重陽氣倍清，東籬採菊眼偏明。杯中要作茱萸伴，不
是湘纍飡落英。

芍藥

沉水飄香透藥塵，紅燈燦燦一枝春。鼠姑倚檻雖無賴，未
肯甘爲近侍臣。

桃花

細看裂錦又蒸霞，黃師塔前江上花。折得一枝明老眼，與
兒洗面作容華。

芭霜

密葉高叢傲歲寒
殷紅膩綠映江干
沉香亭畔無消息
賴有霜前秋牡丹

牽牛竹

高節本爲青女伴
牽牛弗悟配龍孫
孔融天下無雙士
並坐尊前對虎賁

白菊

天上新栽琪樹枝
拖雲帶月下瑤墀
須知正自真仙種
豈是金鈿未染時

不飲

蒲團藜杖屋三間
世故真成觸與蠻
但有雲山供送目
儻無尊酒亦開顏
吳宮雪紵鶴翎散
歷社風荷象鼻鸞
老子

何曾持入夢百年鼎鼎鬢毛班

月蝕

六月炎歊氣鬱蒸緣空寶鏡沒埃塵長歌不見徘徊影並
出初無齟齬輪麟聞何因識星度鵲飛誰復見天津春秋
不著誠非異母惑東家號素臣

十一月十日酒散已二鼓與千里步屐因至水堂
雪後泥方凍酒闌寒少威傍雲生夜月喚客出柴扉籬敗
犬聲合街閑人影稀石欄山幾尺暝靄只依依

夢入千家枕寒聲薄水堂溪山渾著月梅竹半封霜夜榜
響葭浦寒魚跳石塘可憐清絕景夜夜屬漁郎

杖策踏霜月滿空煙霧浮蒼顏醺蟻酒黑帝避貂裘太液
池臺晚廣寒宮殿秋歸來清耿耿未省喘吳牛

冬至小雨踏泥出謁

葭灰動玉琯，絲雨慘良辰。
幽巷未通屐，高人猶墊巾。
底忙持爵里，衝冷候比隣。
猶勝邯鄲驛，燈前影伴身。

聞歌二絕

初唱城闌鴈影寒，玉喉碎篠簾。
雲簪小叢底，處傳歌樣供奉。
黎園人姓南。

月明如鏡酒如空，響谷清聲出漢宮。
恠得中庭紅葉墜，琉璃帳底唱迴風。

有感

將軍塞上誇三箭，學士堂中記八埒。
正眼觀來都是幻，月明羣蟻在花蘊。

莫將橫笛銜柯亭，豈解穿雲裂石聲。
湘水老翁那復見，世

間誰數呂筠卿

但知鬼目爲芝草誰信羚羊破佛牙娘子阿姨何處辨時人識賣假金家

操葉舟凌巨浪訪道祖

一牛鳴處是君家乘興煙蓬蹴浪花銀浦流雲新得路人驚仙客在浮槎

一頃煙波渺太空獨操蓮葉破青銅炊煙不動無桐甑底處求僧與二童

春日野飲

是日聞朝入界東

十載干戈僅脫身殘年重作太平民杯鐺有趣於中好花柳無情分外春不遠上元新甲子肯將短筆怨庚寅從教蕙帳驚猿鶴却欲重彈冠上塵

余赴官官庠與道祖通判久聚乍散每有懷想作
詩五十韻道二十餘年出處寄呈

初拜清揚日菰城荻始芽家聲璜出渭駿氣馬生洼博識
該三篋宏才記五車高明挈日月文彩炫雲霞結友方傾
蓋連姻復附葭鳳軒銀燭映鸞扇綵雲遮去作南陽別俄
成澤國賒浚都先玉轡灘水會僊槎我止邳溝第君歸雪
水涯粉闌方弛檐毳幕忽鳴笳茂苑依城堞菁山隱砧砧
林巒迷霧豹鼓吹只池蛙宇宙焦先室庖厨蔡搏茄旋聞
翦虵豕却共注魚蝦經笥精藍肄辭鋒試席誇棘闌排勝
陣楓殿赴朝輶聯藉攀丹桂連名擬墨綯枕溪同擇勝築
室共崇宏許邁通懸雷何君住若耶奇礪爭磊砢嘉卉闢
紛葩風入黃蘆浦煙橫白鷺沙鷁舟行擢短蟻酒酌尊行

覓句文詞競押棊笑語譁山深陪杖屨林僻預烹茶歌放
早王豹琴閑鄒魯巴朝遊赴奔鹿暮宴起棲鷗溪上方霏
屑山陰遽及瓜殿訶紛候吏罄折擁晨衙踴躍良朋賀睢
盱野老呀銅章輕擲置銀紱嗣榮加還與牛同阜寧嗟鳳
在笈歸來齊靖節隱去類祁嘉鳩董功名會膏梁釋梵家
果因流葉葉倏尔認桃花杜口傷鳴鴈持鉤出睡蛇少多
臨濟棒生死秘魔叉蔬食期羹芋蓬心正倚麻一朝牽吏
鞅瑣質濫京華宮邸便清佚官曹懼過差學無裨稚駉儒
或變淫奢仰德勞心膺陳情費齒牙幸蒙魚網細數寄鴈
行斜凝望千崑阻何因兩槩拏身脩誰琢切詩病孰疵瑕
縮地今無費移山第覓夸願憐魚蓄榭莫惜馬頻櫪驥尾
終期附牛鳴幸不遐清標如會覲羈旅失悲嗟悃悃煩青

鏤淒涼倦絳紗聊須哦短句緘印錦谿砂

宮庠旅泊

客裏絕經營清心摧五兵功名兩蝸角田舍一牛鳴行止
成阿唯榮枯略弟兄欲攜今日意聊仗五言城

奉祠太一

鼗鼗鼗鼓不勤民幻出琳宮遠世塵風咽咽聲金殿邃日
移幡影石壇新雲輶搖曳來三境霧帳淒淒迷姪十神堪笑
茂陵成左計虛將棗脯候秋春

繆忌欲以春秋祭太一所用如庭時物而加棗脯

次韻陳廷藻戶部西湖快目堂之集

冰壺影裏集朋從三雅同傾共一中相與文楸看飛雹不
須舞袖覓驚鴻雲邊鳥道古來寺煙際漁舟何處翁竟日
追歡難卜夜只緣身在省牆東

周元舉待制挽歌詞

平生器業負經綸誰謂公才不秉鈞
讜論十年持紫橐仁聲三郡駕朱輪
龜文豈是背無甲駒隙俄驚歲在辰
宅夾清漳親義重佳城引胆涕霑巾

手開榛棘啓雲扃淳古曾懷到大庭
坐脫老龐那問日自銘小杜不占星
牛頭吉兆空形夢馬鬣新封遽妥靈
譬如從今成永訣欲瞻遺像只丹青

次韻周少隱梅花三絕

蠅館先生心若灰猶憐梅蘂傍墻栽
瀛洲快覩春風面却笑江南苦未開

聞說青腰夜雨霜水沉山麝射洩寒香
西湖處士多標榜端的包羞是海棠

林逋詩云海棠端的包羞

化工巧綴一枝斜點玉凝酥碎疊紗待得春來開滿樹何
如忍凍兩三花

試院和陳蕃仲醑醑兩絕

芳心玉面出蠶叢宵醉先生酒醖中白髮病翁新止酒枕
囊猶覲夢魂通

幽姿不分小山叢合在江梅季孟中香破鶴林真竊語肯
教七七擅神通

送胡汝明待制赴鎮桂林

今代人中傑據忠久贊襄摘文揮鏤管積學儷青箱體道
經爲筭臨機智作囊威名知草木義勇震戎羗玄女傳符
舊黃公授略長投壺祭征虜納策蔡中郎暫解淮西印來
浮雪水航求田多好時卜宅類清漳寄興紅塵外追歡錦

瑟旁醉酣容偃鼠吟詠許寒蟬邂逅升徐榻黃緣上孔堂
周旋略名分眎睠沐謙光細札俄頒命真儒起幹方地寬
連五嶺權重龍言三梁油戟明朝日鉞戈耿夜霜桂林飄黜
粒荔浦劈瓊房來暮歌塵袴遄歸覲舜堂謀謨多妙簡夢
想獨難忘烏府思忠蓋丹墀渴對揚一言蘇品類三接屈
皇王沙水猶含凍江梅漸放香行行携部曲去去背雲鄉
劈箭飛征擢牽繩黥別腸平居膺刻畫祖送倍淒涼眷意
興邦急人材敵國強竚觀揚渙號爰立上品廊談笑妖氛
靜經綸寶胙昌小人簪履舊枯卉後春陽

冬至後雪

客寐失通宵寒聲動沈寥雲容類玉宇雪陣攪層霄點點
指灰落亭亭柳絮飄文牕斜擊帟老樹巧裝條墮嶺飾寒

髻凌波洒碧綃風狂初索索雨細漸瀼瀼入酒應愁凍當
爐覺易消蕭森聲勢密飄瞥路岐遙蓑冷翁仍釣山迷客
罷樵裁紉鋪縞素脩月骨琤瑤市小瓊樓合時和玉燭調
三章歌睿製五板賀寒朝吠犬驚南嶺騎驢憶灞橋終南
憂壓腦少室銜齊腰嗟我星霜老經時鬢髮凋摘蔬和凍
煮收葉帶蘇燒路滑難求馬衣單悔貰貂煖寒誰掃逕莫
負紫金蕉

侍郎葛公歸愚集卷第六

侍郎葛公歸愚集卷第七

律詩

次韻陳元述見寄謝茶

年來直欲配茶神，石鼎山泉日日親。
竹裏烹煎嗤左計，舌端絲味認前塵。
書林坐攪枯腸讀，酒所渾消玉頰春。
曾飲日邊甘露碗，沙溪難遣亂吾真。

露窠那畏主林神，小摘筠藍手自親。
旋轉注湯雲作腳，續紛出磨麴爲塵。
麴塵見白樂天茶詩睡魔已戰三竿日，詩社聊嘗一

信春。不把膏油塗首面，要須色裏認天真。

青縷宜嬰石穴神，薑鹽藪蔎橘宜容。
親湯鳴鼎甌飈颺，響末下刀圭。
瑟瑟塵火裏，槍旗俱發妙。曾中梨棗不妨春，
柳州佳句誠堪誦。滌慮還源更發真。
柳子厚茶詩云滌慮還源

次韻程天游叙舊

太學虀鹽愴語離半周甲子定何之霜空過鴈我宴坐雲
路看鴻君賦詩公新作雲鴻堂甚壯鄙吝政憂陳仲舉談諧喜值庾
元規東隣更有陳居士鼎足論文妙一時

天游以前韻賦雪詩走筆和

剪水飛花下玉墀馳裘忍凍一窺之寒侵鑿落豪呼酒水
合陶泓懶賦詩嵩嶺齊腰緣个事剡谿鼓棹欲何規唯欣
嗣歲千倉積玉燭調和運四時

章氏園小集荷池上

一金管雅集荷濕露香濃鳥起驚歌扇雲移落酒鍾碧甯
彎象鼻昇翠釜出駝峯百歲風狂似無因繫六龍
鉗鈇困殘暑杯鐺方興濃歌舞趁晨版歡呼從暮鍾風聲

回立鵲雲影墮奇峯行酒有佳麗未須煩八龍

次韻伯父工部見慶塵忝之什

江夏無雙舊姓黃末科容我出寒鄉人間學子垂垂老天
上丹枝恰恰芳避地本安元結洞擁書猶記贊公房

苑寺宣公
房肄業

宣知今世持衡者不聽更籌聽織芒

接伴賀天申節北使至闕

流虹壽節慶升平嵩嶽遙呼萬歲聲毳幕奉琛充日闕
綵船卷旆息雲程九天鎬宴歡魚藻重譚賓筵詠鹿茸聞
有芝泥還餞客淮山佳處擬班荆

送伴回至平江舟中與元覽試茶

壑源春色起雲阿拂拂輕塵動柘羅騎火已驚官焙早注
湯還鬪乳花多清風兩腋添詩興紅日三竿戰睡魔燕領

未能飛食肉腹中藜莧且摩娑

正月十日小園瑞香盛開

天上新春破奇花照野塘
靈苞洩蘭麝仙骨傲風霜
未放攢丹粒初開散粉囊
亭亭欲竅寶檻戔戔動香房
靈草移僧鉢平泉出相堂
藥枝識嘉種桐葉認真香
左紫空西洛辛夷謾楚湘
邀賓須醉賞莫訴引杯長

子直近日畫筆稍進而恭似倒長作詩戲之

沈郎終日掩柴扉遊藝雖多道日肥
東絹丹青真得髓文楸黑白要知機
筆添龍眼防頽壁陣合魚麗孰解圍
暇日杖藜須過子一枰贏取畫圖歸

比賦恭畫詩蒙子直次韻復和

東床高韻畫兼恭不比尋常似瓠肥
莫向謝安爭別墅自

同劉子得天機
翻成小窟垂三捷
規出神光詫一圍
二事相從真可樂
籃輿訪子殆忘歸

園中新疊假山

萬花爭放辟疆園
九仞功成對竹軒
黿負崇基凌象緯
虎蹲深逕列兒孫
欄雕結綠籠芳砌
樹剪琉璃破綠痕
水迤畦丁飛瀑墮
煙吹童子亂雲屯
日晞絕頂金莖露
雨漲虛坳玉女盆
只欠五城樓十二
便應人指是崑崙

禮部尚書洪公

皓挽歌詞

沙場握節仗時髦
說舌縱橫小六弢
委質肯輕從晉鼓
擣文空見泣秦牢
冷山韻語名如斗
蓮灤危言命若毛
豈料歸朝繞十稔
白楊聲裏壽原高

守節冰天十五霜
歸來飛語又炎方
正欣射鴈還幽窖
旋

復飛鳶墮瘴鄉位不當材僅喉舌壽難酬德遠膏肓八龍
共修荀門慶雖厄龍蛇殆不亡

高材博識服簪紳玉樹瑤林絕點塵氏族源流推肉譜春
秋褒貶藉調人膝間韻磬傳山水枰上枯碁戰楚秦妙處
不傳今已矣遙瞻遺像淚霑巾

江陰新阡松栢爲大浸所壞累夕見於夢寐

新阡松櫟已交柯狂潦侵凌一尺過擬欲移根易嘉本正
須掬土捍層波傷心半夜飛蝴蝶觸眼何人是素馳火迫
歸歟親在視定教枯枿再婆娑

所居二室號書癡禪悅各成一詩

枕溪曲室巧涵虛黃卷旁羅恣卷舒單族未應慙四姓寸
陰端合競三餘麟毛不具著文虎狸骨空傳尚墨猪坐穴

藜床逢掖事那知新有鶴頭書

是日聞有
袁州之命

右書癡

多生業果種情田就爲嶺宗風好着鞭要使野狐驚鐵杖莫
令黃葉認金錢傳衣雖落慧能後成佛應居靈運前趺坐
蒲團成冷淡比從人役竟誰賢

右禪悅

聞琵琶方響成二絕

赤烏寶女眩新粧九醖霞漿肯見觴但聽琵琶喧啄木誰
知捍撥是龍香

十六寒金犀作槌舊人謾說馬仙期荷間縱有蕤賓鐵喚
取廉郊始得知

己卯歲四月二十七日自湖州赴宜春郡餘杭出

陸至富陽

發軔出江津，晴熏綠野勻。
泉聲漱莎石，嵐翠濕衣巾。
天近雲衝馬，林深鳥喚人。
將身入圖畫，誰復羨麒麟。

觀插秧

秧把東西畦，東畦翠剡齊。
甘心鶴俛啄，不用馬行泥。
井井塍千曲，泱泱水半犁。
黃雲它日事，歡喜舞韶顰。

和新城旅店壁間韻

我本臞山澤，冠裳絆此身。
平生只黃卷，晚歲誤朱輪。
妓舞山禽恠，騶呼疊嶺嗔。
會當還此笏，不愧葛天民。

新城道中

已去日邊遠，宜春程尚賒。
呼童秣征馬，帶月趁啼鴉。
橋斷復揭水路，窮還渡沙。
誰能飾厨傳，裹飯野人家。

桐廬牛嶺

輿曳入崔嵬連天霧不開驚波掀過雨細路滑蒼苔瞰下
憂魚葬凌高披鳥猜垂堂千古戒底急爲名來

入壽昌縣界

一躡壽昌境山深溪水蒼編柴作籬落囊石當橋梁野店
炊煙接官塗松吹長石田能幾稜底用穀人忙

壽昌道中壁間有烏石寺詩和其韻

姓種人作

鍾情翠巘倚峻嶒付與芒鞋與瘦藤君賜一麾方作吏天
融萬壑却輸僧擬將矩矱追廉杜未許機鋒嗣秀能投憤
它年應未晚與君幽室話三乘

早行二絕

屈指雲程路尚賒脂車秣馬鬧栖鴟夢鬼正入無何有誰

着長鉤惱睡虵

二十五聲更漏短那將殘漏費征塗鈴齋擬欲尋胡蝶朱
墨還應許我無

晚泊二絕

晚泊牛羊已下來清泉爲我洗塵埃解顏客裏無卮酒壁
上尋詩笑幾回

曲突無煙驛吏忙匆匆施檐旋舂糧統如五鼓還應起早
赴南牕一枕涼

將至玉山

蓐食轉前峯梅黃細雨中濤翻疑鷺鷥翻泉激認松風山合
秧畦窄林深屐路通恠來人語別一置便江東

過九坡

在臨江軍道中

行盡千山與萬山鍾情偏在此煙嵐海波神闕今饒六仙
女巫峯尚欠三雨潤蒙條生翠滴雲封疊嶂脂涵却思
九坂修梁第空使斯民命不堪

寄睦之

室如懸磬衆推賢著草占來命尚遘不耐炎夏愁婦室且
歌款乃上漁船殺青聊卒檀溪業破白難耕好畤田外日
同歸驪尚暖依然清夢遶茗川

贈褚明遠

今歲難衣食知聞莫若君衣裳顛紫鳳龍畝槁黃雲主饋
婦求去承家子出分清才豈長窶奇相有龜文

四絕贈馬浩然法師

餐霞吸瀝烟方瞳時著青裙拜木公玉女投壺天爲笑却

來綉嶺伴仙翁公沐

丹成誰羨伯陽仙白犬騰空忘浪傳未似尊師得丹訣火

樵吞吐葛山前魏伯陽

靈桃入手亦艱勤正一門中僅策勲未說趙昇王長在鵲

鳴衣鉢已輸君張道陵

舊得陰符虎口巖素書漆軸玉函緘君方濡筆書靈篆已

有飛來青鳥銜李荃吳真君

裴休乞食歌姬院以下子直畫屏求題詩

一從黃蘗逗真機營地回光更不疑着脚洞房猶乞食那

知羅刹是歌姬

杜牧之水嬉

顰飛華屋浸漣漪曼衍魚龍看水嬉自是顰堆應紅藥哦

詩莫恨十年遲

謝安東山

人間鍾鼎與山林出處由來異此心
既是東山成雅趣底須捉鼻更微吟

張禹受經

談經難並綺羅邊先聖微言可浪傳
四海儒生知敗績後堂何怯一彭宣

罷職還家漢卿叔賜詩和韻

燭火疇能補大明謾陪朝請趁晨興
雖叨荷素簪纓舊頗愧銓衡水鏡澄
夜帳歸來驚怨鶴曉牕穴處縱癡蠅
自知浮食辜君賜却擬扶犁換斗升

致政宣義王公挽歌辭

平生志趣漫無求，蠖屈鄉關七十秋。
不把撈伽堆案上，每將周易寘牀頭。
公不觀佛書而性理自悟手鈔易傳終始如一
子舍安車互兩州，雲水俄驚遺寶劍。
幽扉欲啓涕橫流。

贈施堯年老人

何須石室秘仙書，家有雲英尚藥鑪。
奕世大年緣底事，知君華胄出肩吾。

從今九夏即期頤，小楷猶搜賀雨詩。
未得雨時曾過我，見君憂色上厖眉。

謁叟搢笻步後吳，茅簷枳落水平鋪。
大兒侍側霜飄領，猶着荆衣學弄烏。

題曲屏牡丹桃花

不與春風別，有因香苞長。好四時新曲屏，忽見西明種。疑

有藍關堅箔人

一枝濃艷欲燒空誰畏門前人姓封豈有落英飄曲檻與
兒洗面作華容

蒙恩除吏部侍郎子姪以詩相慶

雞牕不夢筆頭花分合扶犁雪水涯禁掖俄膺九芝檢仙
達許從五香車

厚陵戎部尊荷橐

曾伯祖嘉祐中為兵部侍郎

微廟司成踵棣華

伯父先人宣和間俱任大司成

無似鷄梁譏不稱且欣紱冕

粗承家

侍郎葛公歸愚集卷第七

侍郎葛公歸愚集卷第八

律詩

蒙才孺伯惠詩頗及叅問

鶴望蒲團養粹和冥心十地六波羅
宦情微似庵摩勒佛行高於窄堵波
海裏泥牛端解笑庵前石鏡不須磨
擬詢一句合頭語只恐新羅鷄子過

丐祠將離雲間崔申之以詩爲別次韻

荆蘭戲綵關情切朱墨爲官與願違
夜鶴帳空周子去秋鱸風動季鷹歸
忍看妙句金聲振行阻清談木屑飛
引領吳興何許是碧雲深處暮山微

崔申之以詩爲別蘇明父郭逢叔各有和章謹復

用韻二首

露章瀝血上彤墀。螻蟻雖微願弗違。韞跡正慙高士傳。離羣却恐小人歸。身同玄豹霧中隱。目送孤鴻天際飛。丹竈素書今好在。臨風憶子話精微。

見遠亭邊送洛暉。青山挽我作睽違。連年走俗爲貧仕。一日投閒恐富歸。谷水爲官輕似帟。茗溪轉擢疾於飛。羽觴捧劒無人問。悵望如今來廣微。

次韻施子善謝茶

紺奩香葉裹新英。分與騷人取次烹。盃裏定疑甘露薦。腋邊應覺午風生。色方蒙嶺雖微勝。品帶沙溪未若精。客好牕晴聊小試。跳珠急雨看泉清。

具上人以詩相別復和之

鉢囊已解何山夏。千頃堂前又飽參。仙裏未須求七七。

中聊共說三三遠師今日宜同社彌勒它年可共龕不見
生公講經處至今花雨落氍毹

朱丞相赴宣州四十韻

天佑於皇宋時生柱石賢餘光承祖禰秀氣稟山川應物
心如水臨機直似絃孔書窮竹簡義易玩韋編記問諸儒
竦聲華六合傳虎闥書考異蟾窟姓名先文卷驚嚴助經
師拜鄭虔刊讎飽黃卷遷擢冠青錢稠疊膺神伯澄清出
使疆陪都佐留鑰東道握兵權慘淡胡塵暗低回漢節堅
肅陳我鸞鶴列坐困犬羊羶潛拔淮陰幟爭加祖逖鞭力遮
江國路坐沮朔煙氣槩青雲上忠誠紫蓋邊龍飛蓬履
位虵輔喜差肩遭際風雲會寅緣雨露偏紫荷躋法從碧
落耀卿聯揆事符中宸論文動細氈北扉隣浴殿夜直履

花塲將略驚頗牧綸言粲許燕覆袍分蜀錦歸燭爛金蓮
左轄精搜選中原付幹旋鳳池邦本正虎帳國威全七校
兵屯壯三吳節制專金甌外揆席玉鉉煥台躔治欲追三
五時方會半千蟲臣驚內變象闕倏妖纏智洗虞淵日忠
扶杞國天朝廷終不改宗社復安然宰路連三入官榮笑
九遷和戎頻魏絳遣使屢張騫功紀旂常外忠居令甲前
兩儀歸燮理萬化入陶甄少戢卑周勃傷苛小薛宣暫迷
商野夢來泛雪溪船偃息聊三輔蕃宣表十連敬亭青嶽
截涇水碧漣漣袞綉看于邁鋒車竚式遄黃麻重拜相又
見中興年

不寐

年來百念如灰冷何物關心攪睡眠莫枕不容安丙夜

乘軺端復類丁年曲中難辨勦勦趣夢裏難成相相然
只恐睡蛇鉤已盡髦鬣難到曲屏邊

聞我師大捷虜騎宵遁上時宰五十韻

憬彼金微虜游魂擅一隅筋驚祖老革乳臭立遺雛毒螫
鐘虵豕虔劉肆獘貙請和包誦詐歸地反膏腴尚尔載書
濕俄然信誓渝不庭時寇境匪茹自干誅作噩新年換青
陽室月踰達天輒非覲掃國敢長驅屈強提凶器飛揚起
逆徒酋渠連渤海部曲雜單于區脫宵成寨兜牟曉援桴
剌船窺采石擐甲逼濡須烽火來何急囊書報不虞山河
依 睿主社稷倚真儒自昔經綸手惟公器業殊保江卑
謝傳圖霸小夷吾端揆開黃閣中權正紫樞邦基資翊戴
賢路關崎嶇傳說推良弼周公孫碩膚時危材愈見位重

德相符勇決拔裴度遲迴鄙蔡謨艱難初議在慷慨赤心
輸餉道通流馬疲兵斤濫竿機能乘眇忽謀不失錙銖李
郭遵成筭韓彭聽指呼驍師馳建鄴突騎出皇都疾視冠
衝髮先登膽滿軀貔貅人賈勇鵞鵲陣標圖象弭彎繁弱
霜鋒運屬鏤捨生如棄唾殲敵甚摧枯感忽驚飛將神明
服大巫羊腸開道路熊耳積頭顱川絳居巢血原膏下各
俘據鞍來馬援燒艦得周瑜淝水奔餘燼烏江復舊郭采
薇因遣戍破竹遂來鋪折蜚寧勞漢觥輪不反胡愷歌旋
魏闕京觀築淮區妖祲西消楚祥星東照吳百蠻應震懾
十載謾含餉公昔居中憲純誠著託孤神扶脫沙漠帝賚
陟台衢國勢今安堵民編靖覆盂百嘉同壽域一氣轉洪
鑪行賞頒金印禪宗薦玉珙鼎彝刊閎闕簡策記規模國

棟從今定邊塵自此無雷霆先懼服雨露繼涵濡北極羣
星拱明堂一柱扶家家鬻釵釧賀酒約同斟

張千里以詩送邵姪銓試用其韻

明堂一柱已扶顛下詔猶求招與掾言並玉卮宜閣筆鑒
同金鏡正持銓驪珠魚目難齊價嫫母西施孰是妍勉矣
一鳴驚衆彥莫將扼蠟誤長鞭

旅次二首

山行確犖赴雲程食寢無多但有名作夢方成雞喚起加
餐未竟馬催行鼓風飛盞渾無際敵日吹炎似有聲埃息
火流知不晚依然六幕自澄清

視印宜春一月過寧知平地起風波未成黔突真如傳俄
復脂車去似梭雖快徵君還北牖却思太守類南柯流行

坎止何須問似覺閑中所得多

綴景亭

以下五詩爲章道祖作頗及葛藤

煙溪雲巘映朱扉聲色叢中入定時
十萬丈夫森鐵甲三千宮女醉瑤池
纍纍珠帳露滋顆點點金衣霜著
枝心境消融無一物景從何得綴爲誰

踊山閣

橫空複閣面嵯峨影墮前溪瑟瑟波
九坂端疑築梁第二山應恐負夸娥
凌雲北固俗塵遠採菊東籬真意多
會取祖師端的意此間萬象正森羅

滄浪亭

滄浪亭下水連溪影倒虛簷鳳翅齊
白小牽風動晨鏡碧圓著雨響秋聲
魚舟點點依蘋渚鴈齒依依跨柳堤
舊日

滄浪元不變何妨居士爲全提

華藏庵

鮮健龐翁今罷叅拄杖掛壁雲迷庵開花聊幻仙七七逗
機更說禪三三未辦浮丘招挹袖且邀彌勒與同龕庵中
認得華嚴界何用宗風談北南

錦薰閣

窈窕軒牕小閣深種花卜得半晴陰眼根忽墮錦綉谷鼻
觀如遊薜蘿林莫問花枝有開落須知法性勿來今色香
塵裏回光照只這凡心是佛心

洪慶善郎中

興祖

挽詩四首

登名蟾窟值休辰中外掀騰寵數頻錦帳握蘭榮帝所綉
衣持斧耀江濱兩州民社施張在四水門墻卜築新豈料

生還杳無日塚邊唯卧石麒麟

筆下翻翻注九河腹中空洞五車多麟經百妙傳洙泗

為春秋解
人士傳誦

騷學詞明慰汨羅

公注楚辭
行於世

六度有為超梵業

一心無累證禪那龍蛇歲惡賢人逝心折風前薤露歌

平生氣槩凜冰霜聖讀潛心德愈光賞善每能頻擊節避
人寧復解移床第知中壘序論語誰測詩仙流夜郎有道
固應黃髮壽何期竟不驗長桑

闍茂之年拜伏犀雞豚同社記金溪情深縞紵論交契義
切蓬麻荷品題花底醉春同挈榼雲中歷妙共扶藜豈知
生死今殊路技淚佳城意慘悽

響應山

一派寒灘度白雲幾重危磴遠紅塵奇礪煙合松筠古紺

殿香浮棟宇新玉響碧潭鳴地籟瀑垂蒼嶺挂天紳潜虬
未用升雲去乞取晴天界散人

朝隱病瘡作譴瘡鬼文而差示佳句次韻

浹旬移病卧荒村冰炭交攻水帝寬句詠蠲體詩老在舌
飛霹靂詛師存徙居何事四方館譴鬼宜歸白石門壯士
高人今藥喜鮮粧隙地不須論

金燈花

小圃金燈滿意芳苞舒絳彩照煌煌珠璣小滴今朝雨縞
紆難禁昨夜霜拂東隣鬢蛾欲避枝銜螭口蠟猶香列錢
都是銀缸影莫遣狂風出土囊

建國劉夫人挽歌詞

變彼閨房秀魚軒侈大家鳩巢莫蘋藻翟弄絢笄珎覺海

聊依筏言筌謝筭沙平生功用在無疾問毗耶
四德推賢範流芳在管彤植蘭門戶秀嚼蠟世綠空荷橐
夫官重萱堂母道崇相孫仍相婦寂漠閼幽宮

築室以乏金小輟

萍蹤留異縣小隱卜清茗囊罄欲質史官卑難貫貂揮斤
停匠手伐木斷江湖未有王司馬携錢過野橋

春日移舟章園

冰壺徹骨無纖塵新來結屋茗溪濱傾銀注瓦甃泥飲披
錦裂繡天行春沙平印篆鳥浴羽浪暖破綃魚躍鱗一丘
一壑志願畢肯待人招祁孔賓

腰懸六印不用求勝處引人着滄洲波平草軟鷗鳥下花
明柳暗池亭幽兩園牛鳴一舟了三春駟隙千觴酬肯將

僕射易此樂瀚海飛狐雲正愁

大雄寺陳朝檜

俗謂倒檜

老檜盤擎古殿春空庭坐閱幾朝曛根株橫裂可尋蟻枝
葉倒垂猶拂雲求福端同木居士寺僧云村民祈禱頗驗出靈那効
柳將軍黃奴已斃韓擒虎獨有茲材貸斧斤

侍郎葛公歸愚集卷第八